

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ŽEPČU
Broj: 44 0 K 041977 25 K
Žepče, 23.04.2025. godine.

U IME FEDERACIJE BOSNE I HERCEGOVINE!

Općinski sud u Žepču, sudija Sinanović Senad uz učešće zapisničara Mirele Maličbegović, a u krivičnoj stvari protiv optuženog S.S., sin ..., ..., Ž., zbog krivičnog djela posjedovanje i omogućavanje uživanja opojnih droga iz člana 239. stav 3. KZ F BiH, odlučujući po optužnici Kantonalnog tužilaštva Zeničko-dobojskog kantona broj: T04 0 KT 0060068 25 od 06.03.2025. godine, nakon održanog usmenog i javnog ročišta za razmatranje izjave o priznavanju krivnje i ročišta za izricanje krivično-pravne sankcije, održanih dana 23.04.2025. godine, kome su prisustvovali kantonalna tužiteljia Kantonalnog tužilaštva ZE-DO kantona Zenica Čehajić Edina i optuženi, dana 23.04.2025. godine, donio je i u prisustvu tužiteljice i optuženog, javno objavio slijedeću:

PRESUDU

Optuženi:

S.S., sin ..., rođen ... godine u Z., nastanjen u mjestu ... Ž., pismen, sa završenom SSS, po zanimanju plinski vodoinstalater, otac jednog djeteta, po narodnosti Bošnjak, državljanin BiH, vojsku nije služio, ne vodi se u vojnoj evidenciji, nezaposlen, srednjeg imovnog stanja, JMB: ..., osuđivan presudom Općinskog suda u Žepču broj 44 0 K 040478 24 K od 03.07.2024. godine zbog krivičnog djela iz člana 239. stav 3. KZ F BiH na kaznu zatvora u trajanju od 4 (četiri) mjeseca, uvjetno 1 (jedna) godina.

K R I V J E

što je,

1. dana 26.08.2024. godine, oko 20,10 sati, na području općine Žepče, u mjestu ..., suprotno odredbama člana 4. stav 1., 2, 3. i 5., a u vezi sa članom 19. Zakona o sprečavanju i suzbijanju zloupotrebe opojnih droga BiH, neovlašteno posjedovao jednu prozirnu pvc zip vrećicu u kojoj se nalazio jedan bijeli pvc paketić sa sadržajem zelene biljne materije neto mase 0,409 grama, za koju materiju je vještačenjem utvrđeno da sadrži psihoaktivnu komponentu tetrahidrokanabinol (THC), u udjelu većem od zakonom propisanog, te predstavlja opojnu drogu „Cannabis“, koja opojna droga je pod rednim brojem 13. Liste opojnih droga i 26. Liste psihotropnih tvari iz tabele I „Zabranjene tvari i biljke“ proglašena takvom, iako je bio svjestan da se radi o opojnoj drogi, te da posjedovanje iste nije dopušteno, što je i htio, a koju opojnu drogu je dobrovoljno predao policijskim službenicima PS Žepče, o čemu mu je izdata potvrda o privremenom oduzimanju predmeta PS Žepče broj: 08-02-13/1-70/24-59 od 26.08.2024. godine.

Dakle, neovlašteno posjedovao opojnu drogu,

čime je počinio krivično djelo posjedovanje i omogućavanje uživanja opojnih droga iz člana 239. stav 3. KZ F BiH

2. Opoziva se presuda Općinskog suda u Žepču broj: 44 0 K 040478 24 K od 03.07.2024. godine, pravosnažna 03.07.2024. godine, kojom je S.S. izrečena za

krivično djelo posjedovanje i omogućavanje uživanja opojnih droga iz člana 239. stav 3. KZ F BiH uvjetna osuda kazna zatvora u trajanju od 4 (četiri) mjeseca i istovremeno određeno da se ova kazna neće izvršiti ukoliko opušteni u roku od 1 (jedne) godine dana od dana pravosnažnosti ove presude ne počini novo krivično djelo.

pa ga sud na osnovu čl. 42, 43, 49, 54. st.2.t.b. i d. i 64. st. 2. i 3. KZ FBiH te čl. 300. ZKP F BiH,

OSUĐUJE

za krivično djelo iz tačke 1. presude utvrđuje se kazna zatvora u trajanju od 2 (dva) mjeseca a opozvana osuda po presudi Općinskog suda u Žepču broj: : 44 0 K 040478 24 K od 03.07.2024. godine na kaznu zatvora od 4 (četiri) mjeseca smatra se utvrđenom te mu se izriče jedinstvena kazna zatvora od 5 (pet) mjeseci.

Shodno odredbi člana 239. stav 4. KZ FBiH od optuženog se oduzima jedna prozirna pvc zip vrećica u kojoj se nalazio jedan bijeli pvc paketić sa sadržajem zelene biljne materije neto mase 0,409 grama (cannabis).

Nalaže se PU Žepče da po pravosnažnosti presude dostavi nadležnom organu na uništavanje opojnu drogu cannabis neto mase 0,383grama – ostalo nakon vještačenja.

U skladu sa čl. 200 st. 1, a u vezi sa čl. 199 st. 2 tačka g) ZKP FBiH, optuženi je na ime paušala dužan sudu nadoknaditi iznos od 50,00 KM, u roku od 15 dana od dana pravosnažnosti presude, pod prijetnjom prinudnog izvršenja.

O b r a z l o ž e n j e

Kantonalno tužilaštvo ZE-DO kantona Zenica, optužnicom broj: T04 0 KT 0060068 25 od 06.03.2025. godine, optužilo je S.S. sin ..., nastanjen u mjestu ..., Ž. zbog osnovane sumnje da je počinio krivično djelo posjedovanje i omogućavanje uživanja opojnih droga iz člana 239. stav 3. KZ F BiH.

Optužnicu je u cjelosti potvrdio sudija za prethodno saslušanje ovog suda dana 24.03.2025. godine nakon čega je zakazao ročište za prethodno saslušanje radi izjašnjenja o krivnji.

Na ročištu za prethodno saslušanje, održanom dana 08.04.2025. godine, optuženi je u cjelosti priznao krivnju za krivično djelo nakon čega je sud zakazao ročište radi razmatranja izjave o priznanju krivnje, a nakon prihvatanja izjave o krivnji sud je na ročištu izrekao sankciju - donio presudu.

Na ročištu održanom dana 23.04.2025. godine, radi razmatranja izjave o priznanju krivnje optuženi je ostao kod izjave o priznanju krivnje, koju je dao na ročištu za prethodno saslušanje. Prilikom razmatranja izjave optuženog o priznanju krivnje sudija je utvrdio da je optuženi izjavu o priznanju krivnje dao dobrovoljno, savjesno i sa razumijevanjem, i nakon upoznavanja o mogućim posljedicama uključujući i posljedice vezano za imovinskopравни zahtjev i troškove krivičnog postupka, nakon čega je izvršio uvid u dokaze priložene uz optužnicu i utvrdio da ti dokazi pružaju dovoljno osnova o krivnji optuženog, a radi se o sljedećim dokazima: nalaz i mišljenje hemijskog vještačenja FUP, Centar za forenzička ispitivanja, vještačenja i istraživanja Sarajevo broj 11-18/2-03-5-1734 od 02.12.2024. godine, zapisnik o uviđaju PS Žepče broj: 08-02-13/1-93/24 od

27.08.2024. godine, Potvrdu o privremenom oduzimanju predmeta PS Žepče broj: 08-02-13/1-70/24-59 od 26.08.2024. godine na ime S.S., zapisnik o izvršenoj radnji privremenog oduzimanja predmeta i popisu privremeno oduzetih predmeta PS Žepče broj: 08-02-13/1-70/24-59 od 26.08.2024. godine, odobrenje Kantonalnog tužilaštva Ze-do kantona broj: T04 0 KTA 0060068 24 od 29.08.2024. godine, naredbu za vještačenje Kantonalnog tužilaštva Ze-do kantona broj: T04 0 KTA 0060068 24 od 29.08.2024. godine, zapisnik o otvaranju i pregledu privremeno oduzetih predmeta i dokumentacije PS Žepče broj: 08-02-13/1-408-1/24 od 04.09.2024. godine, fotodokumentaciju PS Žepče broj: 08-02-13/1-93/24 od 26.08.2024. godine (sa datumom izrade 15.10.2024. godine), fotodokumentaciju PS Žepče broj: 08-02-13/1-93-1/24 od 04.09.2024. godine (sa datumom izrade 15.10.2024. godine), prepis presude Općinskog suda u Žepču broj: 44 0 K 040478 24 K od 28.05.2024. godine pravosnažna dana 03.07.2024. godine i izvod iz kaznene evidencije za osumnjičenog S.S. PU I Zenica od 09.01.2025. godine.

Tužiteljica je istakla u završnoj riječi da je optužba uz optužnicu dostavila sve dokaze koji potkrepljuju priznanje optuženog i dokazuju sve navode iz optužnice. Predlaže sudu da temeljem čl. 64. KZ FBiH opozove uvjetnu osudu po ranijoj presudi iz razloga što je optuženi u vrijeme provjeravanja po ranijoj osudi počinio isto krivično djelo što govori da uvjetna osuda nije uticala na ponašanje optuženog, odnosno nije ostvarila svoju svrhu te da se svrha krivično-pravne sankcije u ovom slučaju može ostvariti isključivo bezuslovnom osudom na kaznu zatvora pa predlaže da se ranije utvrđena kazna zatvora u trajanju od 4 mjeseca uzme kao takva te da se za novo krivično djelo također izrekne bezuslovna kazna zatvora u trajanju dužem od 4 mjeseca i na kraju izrekne jedinstvena kazna zatvora.

Optuženi u završnoj riječi ističe da je priznao izvršenje djela, da izražava svoje kajanje i obećava da više neće činiti nikakva krivična djela, te predlaže da se ne opoziva uvjetna osuda iz razloga koje je već naveo, to jest da ne bi volio da mu se opozove uvjetna osuda i da ide u zatvor a predlože da mu se ponovo izrekne uvjetna osuda ako je to moguće obzirom da se više ne druži sa osobama koja konzumiraju opojna sredstva, kući je, hrani porodicu, snalazi se, radi.

Iz zapisnika o uviđaju PS Žepče broj: 08-02-13/1-93/24 od 27.08.2024. godine proizilazi da je patrola policije PS Žepče dana 26.08.2024. godine u 20,10 sati obavijestila dežurnog rukovodioca smjene da su u mjestu ... (...) , općina Žepče na lokalnom makadamskom putu u šumi zaustavili i kontrolisali pmv ..., ... boje, bez registarskih oznak kojim je upravljao S.S. te da su kontrolom kod istog pronašli jednu pvc vrećicu (ZIP) u kojoj se nalazi smotuljak pvc folije sa sadržajem sasušene biljne zeljaste tvari koja asocira na opojnu drogu pa a je izvršen uviđaj te postavljenim brojm označena jedna pvc vrećica (ZIP) u kojoj se nalazi pvc smotuljak sa sadržajem sušene biljne tvari bruto težine 0,85 grama koji predmet je fotografisan te upakovan u bijelu kovertu i zalijepljen samoljepljivom trakom te potpisan od strane krim tehničara i o uviđaju je sačinjena fotodokumentacija PS Žepče broj: 08-02-13/1-93/24 od 26.08.2024. godine (sa datumom izrade 15.10.2024. godine) a u kojoj fotodokumentaciji sud na fotografijama uočava pmv ... na zemljanom putu u šumi koje je bez registarskih oznaka te na podu vozača je jedna pvc vrećica (ZIP) u kojoj se nalazi smotuljak pvc folije sa sadržajem sasušene biljne zeljaste tvari koja asocira na opojnu drogu koja je potom vvagana te bruto težina je 0,85 grama i na fotografijama se vidi da je potom izvršeno pakovanje navedene pvc vrećice sa sadržajem koja je označena brojem 1 te upakovana u koverat za dokaze koji je potom zalijepljen. Pronalazak i oduzimanje navedenog predmeta je potkrijepljeno i Potvrdom o privremenom oduzimanju predmeta PS Žepče broj: 08-02-13/1-70/24-59 od 26.08.2024. godine na ime S.S. i zapisnikom o izvršenoj radnji privremenog oduzimanja predmeta i

popisu privremeno oduzetih predmeta PS Žepče broj: 08-02-13/1-70/24-59 od 26.08.2024. godine.

Da je izvršeno otvaranje i pregledanje navedenog predmeta oduzetog tokom uviđaja kao trag broj 1 proizilazi iz zapisnika o otvaranju i pregledu privremeno oduzetih predmeta i dokumentacije PS Žepče broj: 08-02-13/1-408-1/24 od 04.09.2024. godine po kome je izvršeno otvaranje koverta za dokaze iz kojeg je izvađeno, pregledano, vagano a potom vraćeno u isti koverat i ponovo zapakovano kao trag broj 1 pomenuti pvc smotuljak sa sadržajem biljne materije a što se vidi i na fotografijama sačinjenim povodom preduzimanja pomenute radnje otvaranje i pregleda privremeno oduzetih predmeta a koje fotografije su u fotodokumentaciji PS Žepče broj: 08-02-13/1-93-1/24 od 04.09.2024. godine (sa datumom izrade 15.10.2024. godine).

Da privremeno oduzeti predmet označen kao trag broj 1 je dostavljen na vještačenje te da je izvršeno vještačenje i utvrđeno da se radi o neto masi zelene biljne materije od 0,409 grama koje je nakon vještačenja ostalo 0,383 grama i da navedena biljna materija sadrži psihoaktivu komponentu tetrahidrokanabinol (THC) u udjelu većem od Zakonom propisanog te da predstavlja opojnu drogu cannabis a da se cannabis i tetrahidrokanabinol (THC) nalaze na Popisu opojnih droga, psihotropnih tvari, biljaka iz kojih se može dobiti opojna droga i prekursor Zakona o sprječavanju i suzbijanju zloupotrebe opojnih droga proizilazi iz pismenog nalaza i mišljenja hemijskog vještačenja FUP, Centar za forenzička ispitivanja, vještačenja i istraživanja Sarajevo broj 11-18/2-03-5-1734 od 02.12.2024. godine.

Prilikom odlučivanja o prijedlogu Tužilaštva za opoziv presude Općinskog suda u Žepču broj 44 0 K 040478 24 K od 28.05.2024. godine koja je postala pravosnažna 03.07.2024. godine sud je uvidom u navedenu presudu utvrdio da je po toj presudi S.S. osuđen za krivično djelo posjedovanja i omogućavanja uživanja opojnih droga iz čl. 239. stav 3. KZ FBiH koje je počinjeno 19.08.2023. godine kada je optuženi neovlašteno posjedovao opojnu drogu u jednom paketiću načinjenom od najlonske folije sa sadržajem grudvasto-praškaste materije žute boje neto mase 0,184 grama, jedan paketić načinjen od najlonske folije sa sadržajem grudvasto-praškaste materije žute boje neto mase 0,180 grama, za što je vještačenjem utvrđeno da sadrži psihoaktivnu komponentu amfetamin te je posjedovao i jednu nagorjelu ručno pravljenу cigaretu sa sadržajem biljne materije zelene i smeđe boje dužine oko 5 cm neto mase 0,160 grama za koju je vještačenjem utvrđeno da sadrži psihoaktivu komponentu tetrahidrokanabinol (THC) u procentu većem od Zakonom propisanog i predstavlja opojnu drogu cannabis te da je ta presuda postala pravosnažna 03.07.2024. godine i da je optuženom za to krivično djelo izrečena uvjetna osuda kazne zatvora u trajanju od 4 mjeseca s vremnom provjeravanja od jedne godine.

Optuženi je krivično djelo za koje mu se sudi, to jest posjedovanja i omogućavanja uživanja opojnih droga iz čl. 239. stav 3. KZ FBiH počinio dana 26.08.2024. godine tako što je posjedovao jednu prozirnу pvc (ZIP) vrećicu u kojoj se nalazio jedan bijeli pvc paketić sa sadržajem zelene biljne materije neto mase 0,409 grama za koju materiju je vještačenjem utvrđeno da sadrži psihoaktivu komponentu tetrahidrokanabinol (THC) u udjelu većem od Zakonom propisanog te predstavlja opojnu drogu cannabis.

Imajući u vidu da optuženi po ranijoj presudi od dana pravosnažnosti te presude tj. 03.07.2024. godine nije smio počiniti ni jedno krivično djelo u roku do 03.07.2025. godine jer bi postojala mogućnost da se opozove uvjetno izrečena kazna zatvora od 4 mjeseca ali je optuženi ponovo počinio isto krivično djelo unutar navedenog roka to jest 26.08.2024. godine te imajući u vidu činjenicu da je optuženi počinio isto krivično djelo i u vremenu provjeravanja sud zaključuje da ranije izrečena uvjetna osuda nije na optuženog uticala da

ne čini nova krivična djela pa sud smatra da ukoliko se ne bi opozvala navednena uvjetna osuda da bi optuženi nastavio s ponavljanjem istih ili drugih krivičnih djela te sud opozivom uvjetne osude smatra da će se na optuženog djelovati da ne ponavlja krivična djela a uz to će se postići generalna prevencija i u odnosu na ostale počinioce krivičnih djela kojima se izrekne uvjetna osuda.

Krivično djelo posjedovanja i omogućavanja uživanja opojnih droga iz člana 239. stav 3. KZ F BiH čini onaj ko neovlašteno posjeduje opojnu drogu.

Shodno čl. 35 KZ FBIH krivica postoji ako je počinitelj u vrijeme počinjenja krivičnog djela bio uračunljiv i pri tome postupao s umišljajem ili s nehatom ako je nehatno postupanje zakonom propisano za to krivično djelo.

Shodno čl. 37. KZ FBIH krivično djelo se može učiniti s direktnim ili eventualnim umišljajem. Učinitelj postupka s direktnim umišljajem kada je bio svjestan svog djela i htio njegovo učinjenje.

Optuženi je s obzirom na svoju starosnu dob i životno iskustvo kao i činjenicu da je već osuđen za isto krivično djelo bio svjestan da je zabranjeno posjedovanje opojne droge pa i pored toga optuženi je htio da je posjeduje pa ju je navedenog dana, vremena i mjesta naznačenog u činjeničnom opisu krivičnog djela navedenog u dispozitivu ove presude kod sebe posjedovao jedan paketić zeljaste materije koja je opojna droga cannabis.

U konkretnom slučaju optuženi je krivično djelo počinio u stanju uračunljivosti jer je mogao shvatiti značaj svog djela i upravljati svojim postupcima a iz provedenih dokaza ne proizilazi da je u vrijeme izvršenja krivičnog djela bio neuračunljiv, smanjeno uračunljiv ili bitno smanjeno uračunljiv.

Cijeneći priznanje optuženog koje je potkrijepljeno izvedenim dokazima sud je našao dokazanim da je optuženi kriv za učinjeno krivično djelo posjedovanja i omogućavanja uživanja opojnih droga iz člana 239. stav 3. Krivičnog zakona Federacije Bosne i Hercegovine.

Uvidom u izvod iz krivične evidencije za optuženog sud je utvrdio da je optuženi osuđivan presudom Općinskog suda u Žepču broj 44 0 K 040478 24 K od 03.07.2024. godine zbog krivičnog djela iz člana 239. stav 3. KZ F BiH na kaznu zatvora u trajanju od 4 (četiri) mjeseca, uvjetno 1 (jedna) godina.

Za učinjeno krivično djelo sud je optuženom izrekao kaznu zatvora u trajanju od 2 (dva) mjeseca a za opozvanu uvjetnu osudu smatra se da je utvrđena kazna zatvora od 4 mjeseca te primjenom odredbi o sticaju krivičnih djela sud je optuženom izrekao jedinstvenu kaznu zatvora u trajanju od 5 (pet) mjeseci. Imajući u vidu svrhu kažnjavanja i uzimajući u obzir sve okolnosti iz čl. 49. KZ FBIH koje utiču da kazna bude manja ili veća (olakšavajuće i otežavajuće). Prilikom odmjeravanja kazne, sud je imao u vidu svrhu kažnjavanja i sve okolnosti koje utiču da kazna bude manja ili veća (otežavajuće i olakšavajuće okolnosti), a naročito: stepen krivice, pobude iz kojih je djelo počinjeno, jačinu ugrožavanja ili povrede zaštićenog dobra, okolnosti pod kojima je djelo počinjeno, raniji život učinitelja, njegove osobne prilike i njegovo ponašanje nakon počinjenog krivičnog djela. Kao olakšavajuće okolnosti na strani optuženog sud je cijenio da je u cjelosti priznao krivično djelo čime je doprinio utvrđivanju činjeničnog stanja i olakšao i ubrzao i pojeftinio vođenje krivičnog postupka.

Kao otežavajuću okolnost na strani optuženog sud je cijenio raniju osuđivanost za isto krivično djelo kao i činjenicu da je u kratkom vremenu optuženi ponovio isto krivično djelo.

Radi svega navedenog, sud smatra da se u ovom slučaju samo sa kaznom zatvora može ostvariti svrha kažnjavanja predviđena u čl. 42. KZ FBiH i svrha krivičnih sankcija predviđena u čl. 7. KZ FBiH i da će navedena mjera kazne biti dovoljna za ostvarenje navedene svrhe a uvjetna osuda po ocjeni suda ne bi utica na optuženog da ne ponavlja krivična djela.

Shodno odredbi člana 239. stav 4. KZ FBiH od optuženog se oduzima jedna prozirna pvc zip vrećica u kojoj se nalazio jedan bijeli pvc paketić sa sadržajem zelene biljne materije neto mase 0,409 grama (cannabis) obzirom da je zakonom propisano da se obavezno od počinioca predmetnog krivičnog djela obavezno oduzima opojna droga.

Nalaže se PU Žepče da po pravosnažnosti presude dostavi nadležnom organu na uništavanje opojnu drogu cannabis neto mase 0,383grama – ostalo nakon vještačenja.

U skladu sa čl. 200 st. 1 , a u vezi sa čl. 199 st. 2 tačka g) ZKP FBiH, optuženi je na ime paušala dužan sudu nadoknaditi iznos od 50,00 KM, u roku od 15 dana od dana pravosnažnosti presude, pod prijetnjom prinudnog izvršenja.

Zapisničar
Mirela Maličbegović

S u d i j a
Sinanović Senad

POUKA: Protiv ove presude može se izjaviti žalba Kantonalnom sudu u Zenici u roku od 15 dana od prijema presude. Žalba se podnosi putem ovog suda u 3 primjerka.